

Non est homo qui non peccet; et bonum est errantem ovem revocare in ovile Christi, 801
eius exemplo, qui de caelo descendit, ut ovem perditam requireret in terris. post Apr. 4.

Patientia praelatorum salus debet esse subiectorum. Melius est ignoscere delin-
quentibus, quam expellere peccantes; quia si tantum iusti remanent et sani, forsan
5 solus pastor solus remanet absque grege. Quodsi^a ipse pastor peccat, quis remanet
in loco Deo consecrato? Memores debemus esse apostolum Iohannem dicentem: 'Quia ^{1. Ioh. 1, 8.}
si dixerimus, peccatum non habemus, nosmetipsos seducimus, et veritas in nobis non
est'. Sed si agnoscimus peccatores nos esse, et confitemur iniquitates nostras, cum
publicano dicentes: 'Deus propitius esto mihi peccatori', habemus advocatum, id est ^{Luc. 8, 13.}
10 propitiatorem, dominum Iesum apud patrem, qui semetipsum tradidit pro peccatis ^{Tit. 2, 14.}
nostris, ut nos redemeret in sanguine suo, et acquireret Deo populum acceptabilem.

Haec considerantes, fratres carissimi, recolligite oviculas errantes cum gaudio,
recordantes eius pietatem, qui nonaginta novem oves dimisit^b in montibus, ut unam ^{Matth. 18, 12.}
errantem inveniret; et humeris suis imposuisset, reportaretque ad domum gloriae suae,
15 ut angeli congauderent de ove inventa. Haec omnia in mente habentes ignoscite, ut
ignoscat vobis Deus, quia haec est via et celestis regni culmen aut non peccare^c, aut
peccantibus ignoscere. 'Considera', dicit apostolus, 'te ipsum, ne et tu tempteris; alter ^{Gal. 6, 1. 2.}
alterius onera invicem portate, et sic implebitis legem Christi'.

Divina vos gratia in caritate, oboedientia, et humilitate semper conservare
20 dignetur, domini patres fratres et filii.

224.

*Alcvinus Chrodgario comiti scribit de discipulo ad se misso. Monet, ut Carolo im-
peratori recta consilia det. De bello Beneventano. 801 post Apr. 4.*

Cod. H fol. 65'—66.

Edd. F 187, J 165. — Migne col. 376.

25 VIRO LAUDABILI CHRODGARIO COMITI^{a 1} ALBINUS DIACONUS SALUTEM.

Litterarum legatio non est spernenda, ubi linguae officium ob^b amicitiam con-
iungendam longinquitas terrarum abstulit. Unde ego tibi, venerande amice, hos apices
meae devotionis dirigere curavi; obsecrans, ut fidei caritate orationes meas inter
spiritalis amicos tuos, quocumque perrexeris, commendare studeas.

30 Bonum infantulum nobis ad erudiendum direxistis, etiam cum fratre valde lauda-
bili. Cuius mores nobis optime conveniunt in omni relegione et sanctitate. Et
necessarium est infantulo. Quem velim ut citius remittas ad nos.

Nec tibi, deprecor, onerosum^c esse literarum ammonitio^d mearum; quia opto te
in Dei voluntate proficere et salutem operari animae tuae in elymosinis ad pauperes,
35 et iustitia ad omnes, et misericordia ad miseros, et consiliis bonis, quae^e domno im-
peratori et regno Francorum proficiant^f ad salutem et prosperitatem.

Audivi vos ituros esse ad vastandam Beneventanam patriam. Scis optime, quale
periculum ibi imminet tibi propter pestilentem illius terrae aerem². Ideo nihil dimittas

^a) quid si H. ^b) dimissit H. ^c) paccare H.

40 224. ^a) comite H. ^b) ab H. ^c) sic. ^d) amonitio H. ^e) q; H. ^f) proficiat H.

1) Rottecarium una cum aliis comitibus Leonem papam a. 799. Romam reduxisse docet nos Liber pontificalis (ed. Duchesne II, 6). Idem fortasse Lemovicensis Rotharius comes ingens, inclytus heros coniuge cum Eufrosia condidit a. 785. monasterium Carroense (Charroux) in dioecesi Pictavica (Theodulfi Carm. III, 8 v. 7. 8; Poet. Carol. I, 550), de quo cf. testamentum Rotgerii eiusque et coniugis donationes
45 (Mabillon Ann. II, 711—713), Caroli M. et Ludowici diplomata (Mühlbacher Reg. 352. 553), Vita S. Austremonii (Labbe nova bibl. manuscr. II, 499). 2) Cf. supra p. 362 n. 3, infra ep. 281.